

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRAČANICA  
OPĆINSKI NAČELNIK

Broj: 02-28-01893-6/2016  
Gračanica, 22.06.2016. godine

Na osnovu člana 70. Zakona o javnim nabavkama ("Sl. glasnik BiH", broj: 39/14) i člana 36. Statuta Općine Gračanica-Prečišćeni tekst ("Sl. glasnik Općine Gračanica", broj:4/09), Općinski Načelnik d o n o s i

O D L U K U  
o rezultatima postupka javne nabavke

"ROADING" DOO Gračanica, kao odabranom ponuđaču čija je ponuda ocijenjenakao najpovoljnija, dodjeljuje se ugovor za nabavku radova "Izvođenje radova na sanaciji puta u MZ Škahovica-Ćozalovo Brdo"

O b r a z l o ž e n j e

U postupku javne nabavke: "Izvođenje radova na sanaciji puta u MZ Škahovica-Ćozalovo Brdo" koji je proveden po otvorenom postupku; objavljenog na portalu JN, broj obavještenja o nabavci sa Portala javnih nabavki: 720-1-3-40-3-35/16 od 23.05.2016.godine i "Sl.glasniku BiH", broj: 39/2016 od 27.05.2016. godine; evidencijski broj nabavke: 02-28-01893-2/2016, prijavila su se dva ponuđača što je vidljivo iz Zapisnika sa otvaranja ponuda i to: "AMGRAD" DOO Babići Gračanica i "ROADING" DOO Gračanica.

Komisija je na zatvorenom sastanku izvršila pregled formalne i tehničke usklađenosti ponuda i zaključila da sve pristigle ponude ne zadovoljavaju sve formalne uslove i uslove tehničke usklađenosti, odnosno formalno i/ili tehnički nisu prihvatljive, a to je ponuda ponuđača "AMGRAD" DOO Babići Gračanica.

Naime, ponuda ponuđača "AMGRAD" DOO Babići Gračanica je neispravna i neusklađena, jer ovaj ponuđač nije postupio u skladu sa tačkom 15. tenderske dokumentacije, gdje je između ostalog navedeno i slijedeće:

***„Ponuđači dostavljaju original i kopiju ponude. Kopija ponude se dostavlja zajedno s originalnom ponudom. U tom slučaju se jasno naznačava »original« i »kopija« ponude.“***

A tačkom 13.3.2. tenderske dokumentacije navedeno je, između ostalog slijedeće:

***„U svrhu dokazivanja ispunjavanja zahtjeva u pogledu tehničke i profesionalne sposobnosti ponuđač je dužan u ponudi dostaviti:***

- ***spisak izvršenih ugovora “.***

Ponuđač "AMGRAD" DOO Babići Gračanica u svojoj ponudi nije naznačio "original" ponude, a traženi spisak izvršenih ugovora je dostavio na način da je upisao samo jednu stavku, odnosno jedan izvršeni ugovor, što ne predstavlja referenc listu, odnosno spisak izvršenih ugovora, i na taj način djeluje u najmanju ruku neozbiljno.

Zbog svega navedenog, ponuda ovog ponuđača se isključuje iz dalje procedure.

Ponuda ponuđača "ROADING" DOO Gračanica u potpunosti zadovoljava sve formalne i uslove tehničke usklađenosti, odnosno tehnički je prihvatljiva i dostavili su sve tražene dokumente.

Ponuda "ROADING" DOO Gračanica ocijenjena je kao najuspješnija-najpovoljnija i jedina ispravna, jer je za nabavku radova "Izvođenje radova na sanaciji puta u MZ Škahovica-Ćozalovo Brdo", ponuđena najniža cijena u iznosu od 83.925,00 KM bez PDV-a, , **odnosno 98.192,25 KM sa PDV-om.**

Izabrani ponuđač "ROADING" DOO Gračanica obavezan je u roku od 10 (deset) dana od dana dostave Odluke o izboru dostaviti slijedeće dokumente (u skladu sa tačkom 12. tenederske dokumentacije, u kojoj se navodi):

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku jeobustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

**Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom .** U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 10 dana od dana zaprimanja obavještenja o rezultatima ovog postupka javne nabavke. **Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.**

Ukoliko ponuđač dostavlja ovjerene fotokopije traženih dokaza, ovjere istih ne smiju biti starije od tri mjeseca, računajući od momenta predaje ponude.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih

sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

U navedenom roku od 10 (deset) dana od dana dostave Odluke o izboru, izabrani ponuđač je dužan dostaviti i:

**(ovjerene fotokopije diploma, uvjerenje o položenom stručnom ispitu, radna knjižica), i to za dipl.ing. građevine**

Ponuđač „ROADING“ DOO Gračanica čija je ponuda najpovoljnija u skladu sa kriterijumom „najniže cijene“ i s kojim će se sklopiti ugovor za predmetne radove, biće u obavezi da dostavi tražene dokumente prije sklapanja ugovora, **uz napomenu da datum izdavanja navedenih uvjerenja ne smije biti stariji od tri mjeseca u odnosu na datum dostavljanja ponude.**

UPUTA O PRAVNOJ ZAŠTITI:

Protiv ove Odluke može se u roku od 10 (deset) dana od dana prijema Odluke izjaviti žalba. U skladu sa članom 99., stav 1. Zakona o javnim nabavkama, Žalba se izjavljuje ugovornom organu u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom.

Dostavljeno:  
“AMGRAD” DOO Babići Gračanica,  
“ROADING” DOO Gračanica,  
a/a

OPĆINSKI NAČELNIK

**Nusret Helić**